



*Senin, 16 Desember 2024*

**Ogen: Lukas 7:50**



**Mulih Alu Mejuah-Juah**



**L**a lit keriahen si mbelinna asangkan ngeteh maka dosanta enggo ialemi. Enda seri nanamna ras kalak si madan arah penakitna nari. Sada lirik lagu arah Kidung Jemaat no. 40, isina:

“Ajaib benar anugerah, pembasuh hidupku  
Ku hilang, buta, bercela, olehNya kusembuh”

Enden-enden enda itulis John Newton, sekalak pendeta ras composer gereja Anglikan Inggris. Lagu enda tulisna tahun 1777. Umur 7 tahun nandena nggo mate, bapana sekalak angkaten laut si ketat ras tegas, umur 11 tahun nggo baba bapana ia erlayar. Kenca mbelin erdahin ka ia bas Angkatan laut. Sada paksa lit kejadi, ia itangkap i Afrika Barat, jenari idayaken jadi budak. Kenca ndekah ia ibebasken sekalak suruhen bapana, si isuruh bapana ndarami ia. Bas perdalinen mulih ku Inggris, kalakna terjebak badai si sehal mehantuna i Irlandia, menam gedap. Newton ertoto man Tuhan, kenca si e nta uga carana kapalna nggo ka banci berlayar seh ku daraten. Newton ngidah si e jadi sada jawaben i bas Tuhan nari, ialokenna e jadi sada pemulihen selaku kalak Kristen. Jenari erlajar ia ngulih kerna Pustaka Si Badia, jenari sekolah teologi ras jadi pendeta i bas tahun 1764. Kenca si e maka igubahna nden-ende e, i bas kitab enden-endenta nomor 212, perkuah ate si mbelin. Em tambar si erbahanca kita mejuah-juah.

Kai refleksinta arah kisah diberu perdosa si mengurapi Tuhan Jesus, ras kawitenna ras kisah Newton? Kita kerina banci saja luka erdandanken masa lalu si jadi bas geluhta. Luka e mesui, adi lalap la tambari banci reh bagesna, tambah kal suina. Sibabalah luka e alu ngadap man Tuhan, ertotolah kita si pindo perkuah ateNa, la ngadi-ngadi kita ertoto dingen ngelai ia. Maka perkuah ateNa mbaluti luka-lukata, erbahanca kita mejuah-



juah. Olanai menduh kiniteken di nggo malem, ulanai andih ningen adi lanai mesui.